

tum SS. Patrum, tum omnium auctorum sive theologorum, sive asceticorum. Et 1^o SS. Patrum. Alii docuere in Christo fuisse plenitudinem gratiæ sicut in capite influente, in Maria vero sicut in collo transfundente, alii Deum nihil nos habere voluisse quod per Mariæ manus non transiret, nullum posse cælum intrare nisi per Mariam transeat tanquam per portam. Quidam demum nullam creaturam aliquam a Deo obtinuisse gratiam, nisi secundum Ipsius piæ Matris dispensationem. Omnia bona quæ Deus decrevit facere, manibus B. M. decrevisse commendare. Exinde sic argumentari licet. Hæc verba SS. Patrum sensu obvio accepta satis aperte evinciunt nostram propositionem, sed sensu obvio sumenda sunt nec debent ad sensum metaphoricum seu alienum detorqueri. Ergo... *Prob. antec.* Miræ congruentiæ et validissimæ rationes huic interpretationi suffragantur, et aliunde nihil obstat quominus illa verba sensu obvio accipiantur, ut ostendemus in solutione difficultatum. *Nec dicas* has locutiones esse hyperbolicas, ut volunt quidam, quoties enim hyperbolice loquuntur SS. Patres, semper hyperbola detegi potest vel ex contextu vel e materia substracta, quod non existit in præsentî quæstione (*i*).

2^o *Constat ex innumeris testimoniis fere omnium auctorum, sive theologorum, sive asceticorum.* — Et 1^o Suarez hanc doctrinam amplectitur, ubi docet (disput. XVIII, sect. IV) B. Virginem participare dignitatem et excellentiam gratiæ Christi. Atqui Christus dicitur habere gratiam capitis, quia est fons omnium gratiarum quæ aliis conceduntur. Ergo et B. Mariæ hæc gratiæ plenitudo concedenda est. — 2^o Contenson,

explicans illa verba Christi ad Joannem : *Ecce Mater tua*, hæc habet : « Quasi diceret : Nullus sanguinis mei particeps erit nisi intercessione Matris meæ. « Vulnere gratiarum fontes sunt, sed ad nullos derivabuntur rivi nisi per Mariæ canalem; Joannes « discipule, tantum a me amaberis quantum eam amaveris. » — Carthagena explicite docet eandem sententiam (loco jam citato). Ipsam Virginem comparat Esther : « Et quemadmodum, inquit, Assuerus dixit reginæ : *Si dimidiam partem regni mei petieris, impetrabis*, ita B. Virgini, non verbis, sed re ipsa « dimidium sui regni Christus Dominus impertivit. « Etenim ex justitia et misericordia roboratur regnum Dei, ut David testatur (*Ps. 6*) : *Quia potestas Dei est, et tibi Domine misericordia*; ex his autem « Deus reservans sibi justitiam misericordiam Virgini communicavit. » Ita ille. — Navarrinus idem late probat (cap. 46 et 47). His auctoritatibus adde auctoritatem ipsiusmet Ecclesiæ, quæ in suis precibus liturgicis valde insinuat illam sententiam. Ipsi enim Virgini applicat illa verba (*Eccli. xxiv. 2*) : *In me omnis spes vitæ et virtutis*; et iterum : *In me gratia omnis viæ et veritatis*; et hæc verba (*Prov. viii, 35*) : *Qui me invenerit, inveniet vitam, et hauriet salutem a Domino.* — Item in hymno *Salve Regina* Ipsam vocat vitam, spem nostram; ab ea postulat ostendi sibi Christum Dominum in gloria triumphantem : *Et Jesum, benedictum fructum ventris tui, nobis post hoc exilium ostende.*

2^o *Suadetur rationibus theologis.* — *Prima hæc est* : Hæc doctrina non repugnat et aliunde magis consentanea videtur tum dignitati matris, tum ordini

consueto Providentiæ quæ solet hominibus per causas secundas providere. Ergo... — *Ratio secunda*: Gloriosa Virgo, juxta S. Augustinum, cooperata est caritate ut fideles in Ecclesia nascerentur; ergo convenit ut per Ipsam omnes in cœlum deducantur. — *Ratio tertia*: Cum Deus nobis semel dederit Christum fontem gratiæ per Mariam, hinc maxime convenit ipsum has gratias nobis per Mariam distribuere; quod sic eloquenter vertit doctissimus Bossuetius: « Je ne vous « tairai pas, dit-il, une conséquence de la maternité « de Marie, que peut-être vous n'avez pas assez mé- « ditée: c'est que Dieu ayant voulu une fois nous « donner Jésus-Christ par la sainte Vierge, cet ordre « ne se change plus, et les dons de Dieu sont sans re- « pentance. Il est et sera toujours véritable, qu'ayant « reçu par elle une fois le principe universel de la « grâce, nous en recevons encore par son entremise « les diverses applications dans tous les états diffé- « rents qui composent la vie chrétienne. Sa charité « maternelle, qui fait naître, dit saint Augustin, les « enfants de l'Église, ayant tant contribué à notre « salut dans le mystère de l'Incarnation qui est le « principe universel de la grâce, elle y contribuera « éternellement dans toutes les autres opérations qui « n'en sont que des dépendances. » (Bossuet, 4^e sermon sur l'Annonciation.) Aug. Nicolas (*Plan divin*, vol. I, lib. III, chap. V) optime evolvit hanc sententiam, quam rigorose demonstrari posse contendit: « Per- « sonne ne conteste, dit-il, que donner le principe « universel de la grâce, être mère de son Auteur, ne « soit plus que d'être le canal dérivateur de la grâce « et médiatrice de sa dispensation. Or, dans les opé-

« rations d'une parfaite sagesse, le plus emporte le « moins; refuser ce moins, ce serait retirer ce qui « aurait déjà été accordé dans le plus, ce qui répugne « à la notion de l'ordre; » puis il conclut ainsi: « Le « fleuve de la grâce, versé du sein profond du Père « céleste dans l'humble sein de Marie, en jaillit « comme d'une fontaine publique jusqu'à la hauteur « de sa source, et retombe dans son âme virginale qu'il « remplit la première au-dessus de toutes les créa- « tures, et d'où, débordant sur nous, il va porter « ensuite l'esprit de vie dans tout le corps de « l'Église. »

SOLVUNTUR DIFFICULTATES

Objicies 1^o: Si res ita se habet, id est, si per B. Mariam omnia dona gratiæ dispensantur, jam inutile est Deum orare, præsertim sanctos, cum numquam orationi sanctorum, sed tantum orationibus B. M. concedat gratias Deus. — *Respondeo ad 1^{um}*: Falsum consequens, quia 1^o adest præceptum Deum tanquam ultimum finem adorandi, ipsum deprecandi, ipsi cultum tum internum tum externum reddendi. Aliunde Deus est fons principalis et primarius omnium gratiarum, et B. Maria non nisi dependenter a Deo gratias dispensat. — *Ad 2^{um} Dico*: Item falsum esse consequens; quia sancti quos directe deprecamur possunt in auxilium nostrum gloriosam Virginem invocare. Et ideo Suarez (disput. XXIII, sect. III) non dubitat docere quod quidquid alii sancti impetrant, illud per B. Mariam consequantur.

Insistes 2^o: Sed ex illa doctrina aliud absurdum consecarium oriri videtur: nempe quod Deus ipse

Virgini subjiciatur, ita ut, quando directe oratur ab aliquo homine, ipsi directe non potest concedere gratiam, sed antea tenetur obtinere ut B. V. pro ipso deprecetur; alias hæc gratia per manus B. M. non transiret, quod est contra propositionem. — *Respondeo*: Hæc difficultas plus est in imaginatione quam in re, et parum solida. Itaque ad hanc solvendam, sufficit supponere B. Mariam fuisse constitutam tanquam medium per quod omnes gratiæ hominibus dispensantur, et ita statim evanescit objectio. Namque, quando quis directe Deum deprecatur et Deus vult illi concedere gratiam, Deus hanc orationem manifestat Virgini cum intentione ipsam exaudiendi si per Mariam ipsi præsentatur, et statim B. Virgo deprecatur Deum, et ita gratia intuitu precum ejus conceditur. Vel adhuc supponi potest B. V. ad instar Christi semper interpellare et orare pro omnibus hominibus; et quando Deus aliquam concedit gratiam, semper ipsam intendit concedere intuitu precum B. Mariæ, quemadmodum semper ipsam concedit intuitu meritorum Christi. Uno verbo, Deus nullam concedit gratiam nisi 1º intuitu meritorum Christi, et 2º intuitu precum B. Mariæ, quæ semper et incessanter interpellat pro salute omnium.

PROPOSITIO SECUNDA

INTERCESSIO B. MARIE ADEO EST EFFICAX ET OMNIPOTENS, UT IPSI POSTULANTI NIHIL DENEGET DEUS EORUM QUÆ CONCEDERE POTEST DE POTENTIA ORDINARIA.

Dixi: de potentia ordinaria, id est quidquid Deus concedere potest in ordine præsentis, seu positis de-

cretis quibus vult homines salvari, ipsis nempe ad suam salutem consequendam juxta quasdam regulas concurrentibus; sed inde non minuitur potentia gloriosæ Virginis: Ipsa enim cum sit sapientissima, nec Dei decreta nesciat, non nisi quæ Deus hoc modo concedere potest postulat.

Prob. 1º ex auctoritate Patrum et Doctorum. — Et 1º sanctus Anselmus ait: « Quod possunt omnes isti (Sancti) tecum, tu potes sine illis omnibus. » — S. Bernardinus Senensis: « Imperio Virginis omnia famulantur, etiam Deus; id velis tu, et omnia fient. » — S. Antoninus: Oratio Deiparæ habet rationem imperii, unde impossibile est eam non exaudiri. » — Albertus Magnus hæc verba in ore B. M. supponit: « Roganda sum ut velim, quia si volo, necesse est fieri. » Petrus Damianus (serm. de *Nativ.*): « Quomodo enim illa potestas potentiae tuæ poterit obviare, quæ de carne tua carnis suscepit originem? Accedis enim ad illud aureum reconciliationis humanæ altare, non solum rogans, sed etiam imperans, *Domina*, non *ancilla*. » — D. Bernardus (serm. de *Matern. Mariæ*): « Ad Mariam recurre, exaudietur et ipsa pro reverentia sua: exaudiet utique Matrem Filius, et exaudiet Filium Pater. » Filioli, hæc peccatorum scala, hæc mea maxima fiducia, hæc tota ratio spei meæ. Quid enim? Potestne Filius aut repellere aut sustinere repulsam? Non audire aut non audiri Filius potest? Neutrum plane. » — Richardus a S. Laurentio (lib. IV, de *Laudibus Virginis*): « Cum autem eadem sit potestas Filii ac Matris, ab omnipotente Filio omnipotens Mater facta est. » — S. Germanus sic loquitur ad

Mariam : « Tu autem materna in Deum auctoritate
 « pollens, etiam iis qui enormiter peccant eximiam
 « remissionis gratiam concilias; non enim potes non
 « exaudiri, cum Deus tibi ut veræ et intemeratæ ma-
 « tri in omnibus morem gerat. — Gregorius Nico-
 « mediensis (*de Oblat. Deiparæ*) sic potentiam ejus
 extollit : « Habes, ait, vires insuperabiles, robur
 « inexpugnabile, ne immensam tuam clementiam su-
 « peret multitudo peccatorum. Nihil tuæ resistit
 « potentiae, nihil tuis repugnat viribus, omnia cadunt
 « tuo jussu, omnia tuo obediunt imperio, omnia tuæ
 « potestati serviunt. Te omnibus operibus suis reddit
 « excelsiorem, qui est ex te natus. » Et infra : « Tuam
 « enim gloriam Creator existimat esse propriam, et
 « tanquam Filius in ea exultans, quasi exsolvens de-
 « bitum, implet petitiones tuas. — Et S. Antoninus :
 « Oratio Deiparæ erat modus nobilissimus orandi,
 « tum quia habebat orationem jussionis et imperii,
 « tum quia impossibile erat eam non exaudiri, juxta
 « id quod in figura ejus dixit Salomon matri suæ
 « Bethsabeæ, cum aliquid petere vellet : *Pete*, inquit,
 « *mater mea, neque enim fas est ut avertam faciem*
 « *meam.* »

Ita sentiunt Carthagena (loco citato), Miechoviensis :
 « Plus posset, inquit, unum B. Mariæ suspirium
 « quam omnium sanctorum simul suffragia. » Sua-
 rez in hanc sententiam propendere videtur cum docet
 preces B. Mariæ plus habere efficaciam apud Deum
 quam orationes omnium sanctorum collective sumptæ
 (Disput. xxiii, sect. iv. versus finem)¹.

¹ Grignon de Montfort (1^{re} part., § 2) : « Elle est si puissante,
 « que jamais elle n'a été refusée dans ses demandes; elle n'a qu'à

2^o *Confirmatur ex rationibus theologicis.*

1^o Probavimus B. M. habere dominium in omnia
 bona Dei et in omnes creaturas, insuper jus quoddam
 ad obedientiam Christi. Atqui doctrina quam nunc
 propugnamus est corollarium utriusque juris B. M.
 Ergo intercessio B. M. est efficax et omnipotens, nam
 auctoritas matris respectu filii etiam in patria perse-
 verare videtur. Unde Bourdaloue : (*Sermon sur la dévo-
 tion à la sainte Vierge, 2^e partie*). « Nous persuade-
 « rons-nous que Dieu en la glorifiant ait tellement
 « borné son pouvoir, qu'elle ne soit plus en état de
 « nous en faire sentir les salutaires effets? Mais n'est-ce
 « pas toujours la mère de ce Dieu sauveur qu'elle a
 « donné au monde et qui lui fut si soumis? Est-ce
 « en recevant la récompense de ses mérites qu'elle a
 « perdu ses plus beaux droits? et si ce fils adorable
 « qu'elle porta dans son sein a fait pour elle des mi-
 « racles sur la terre, que lui refusera-t-il dans le Ciel?
 « C'est ainsi que les Pères ont raisonné et c'est là-
 « dessus qu'ils se sont fondés pour nous exhorter,
 « dans des termes si énergiques et si forts, à réclamer
 « sans cesse la mère de Dieu. » — Idem probat Con-
 tenson.

SOLVUNTUR DIFFICULTATES

Objicies 1^o Billuart (*de Religione*, dissert. II, art. 4,
 Appendix, R. 2^o), contendit orationes expressas sanc-

« se montrer devant son Fils pour le prier, aussitôt il accorde,
 « aussitôt il reçoit; il est toujours amoureux vaincu par les
 « mamelles, les entrailles et les prières de sa très chère Mère.
 « Tout ceci est tiré de saint Bernard et de saint Bonaventure. »
 Sed præsertim conf. S. Ligor. (*Paraphr. du Salve Regina*,
 chap. vi.)

torum semper exaudiri, quia suis votis nil petunt aut volunt, nisi quod Deus vult. Quod si res ita se habeat, jam inutile prorsus est probare modo speciali orationes B. Mariæ esse omnino efficaces: non sunt enim efficaciores quam orationes aliorum sanctorum. Ergo...

Resp. 1^o Hæc opinio Billuart rejicienda videtur: gratis supponit omnes sanctos semper in Deo videre utrum suæ orationes sint exaudiendæ; potest Deus ipsis non detegere omnia sua decreta, et aliunde contendit Suarez preces sanctorum non semper exaudiri (*De Virt. Religionis, De oratione in communi, cap. xi.*) — *Resp.* 2^o Etiam admissa sententia Billuart, non inde evertitur nostra propositio, namque dici potest B. M. in Deo videre omnes gratias quas de potentia ordinaria Deus concedere potest Ipsi precanti concedendas esse. Sanctis autem illud privilegium denegatur.

Dices 2^o: Ex tota illa doctrina sequi videtur quod melius sit et utilius invocare B. V. quam directe Salvatorem nostrum. Sed conclusio repugnare videtur. Ergo... — *Resp.* Etiamsi admittatur antecedens, non inde sequitur quod non debeamus Christum invocare, ut jam diximus; sed conclusio non ita repugnat: non inde supponitur Mater potentior Filio, totum enim quod Maria habet acceptum Filio refert. Majora miracula Apostoli fecerunt quam ipse Dominus ac Salvator: numquid inde potentiores, numquid supra Christum? Unde S. Anselmus (*lib. de Exult. Virg., cap. vi*):

« Velocior est nonnunquam salus, memorato nomine
 « Mariæ, quam invocato nomine Jesu unici filii sui.
 « Et id quidem non ideo fit quod ipsa major et poten-
 « tior eo sit; non enim ipse magnus et potens est per
 « ipsam, sed ipsa per ipsum, quia Filius ejus Domi-

« nus et Judex est omnium, discernens merita sin-
 « gulorum. Cum igitur ipse a quovis suo nomine in-
 « vocatus, non statim exaudit, profecto id juste facit:
 « invocato autem nomine Mariæ, etsi merita invocantis
 « non merentur ut exaudiatur, merita tamen Mariæ in-
 « tercedunt ut exaudiatur. » En ratio hujus velocioris
 et promptioris exauditionis, scilicet merita B. Mariæ.
 Ergo...

QUÆRITUR utrum B. M. in cœlo regnans stricte oret ad gratias dispensandas, vele contra, has gratias dispensare queat pro libitu suo absque necessitate orandi.

Ad solutionem quæsitæ prænotandum est jam existere quæstionem inter theologos, utrum scilicet Christus stricte oret vel non. (*Conf. Suarez, vol. I, de Incarn., dissert. xx, art. 2; — Vasquez, disput. LXXXII, cap. II.*) Sed, quidquid sit de illa controversia, admittendum est, ut observat Lugo (*de Incarnat., disp. xxvii, sect. iv, ad finem*), humanitatem Christi gratias non dispensare independenter a Deo: unde, quando vult Christus quod detur gratia Petro. v. g., non potest hanc voluntatem executioni mandare, nisi repræsentet eam Deo; Christus enim secundum humanitatem non causat physice illam gratiam Petri, sed tantum moraliter, scilicet movendo Deum ut gratiam producat. Sed tamen, pergit Lugo, dubium esse potest de modo loquendi, an hæc repræsentatio dicenda sit postulatio vel oratio, quia oratio non supponit plenam potestatem, imo illam aliquo modo excludit, non ita postulatio; et præfert hanc repræsentationem apud Christum vocari postulationem quia Ecclesia apud Christum supponit plenam potestatem ipsum invocando: *Miserere nobis*. His præsuppositis, quæstio esse potest

utrum repræsentatio nostrarum miseriarum apud Deum facta a B. V., in ordine ad auxilia impetranda, spectanda sit tanquam oratio stricta, vel e contra ut postulatio sensu explicato. — Modus ipsam invocandi in Ecclesia supponere videtur B. M. stricte orare; non repugnaret tamen dicere Ipsam postulare, quia cense-retur habere plenam potestatem, ex eo quod nihil ipsi deneget Deus. Huic concinunt locutiones Patrum qui Mariam vocant gratiarum dispensatricem, thesaurariam, et apud ipsam supponunt adesse plenam omnium gratiarum œconomiam. Ideo sic loquitur P. Galifet (Opuscul. *Dévotion à la sainte Vierge*): « Et re-
« marquez, dit-il, que l'Église demande ces grâces à
« Marie d'une manière bien différente de celle dont
« elle use à l'égard des autres saints, car elle les de-
« mande à Marie comme à la dispensatrice de ces
« grâces, comme les ayant entre les mains. A l'égard
« des autres saints, l'Église use d'ordinaire de ces
« mots: *Priez pour nous, intercédez pour nous*; à l'é-
« gard de Marie, souvent elle lui dit: *Donnez-nous,*
« *sauvez-nous.* »

ARTICULUS SECUNDUS

DE OFFICIO MATRIS.

Nihil, in omnium fidelium sermone, magis est usitatum quam Mariam vocare Matrem. Nobis proponimus probare hunc titulum quem almæ Virgini tribuimus, esse titulum realem ac ipsi revera debitum. Itaque quæremus utrum B. Maria revera sit nostra Mater, et quonam sensu hoc nomine appellari queat.

QUÆRITUR 1^o *Utrum B. Maria revera sit nostra Mater?*

Ad hanc quæstionem *Respondeo affirm.*, et statui potest sequens.

PROPOSITIO

BEATA VIRGO EST MATER CHRISTIANORUM IN ORDINE
SUPERNATURALI

Dico *Christianorum et in ordine supernaturali*, quia, ut patebit ex dicendis, non sumus filii Mariæ, nisi quatenus pertinemus ad Christum; jam vero ad Christum non pertinent nisi fideles; itaque infideles non nisi remote ac radicaliter tanquam filii Mariæ habendi sunt, scilicet in quantum habent potestatem filios Dei fieri per baptismum.

Prob. Hæc propositio admittenda est quæ constat 1^o ex Scriptura, 2^o ex universali traditione, 3^o demum variis rationibus suadet. Atqui talis est nostra propositio. Ergo...

Et 1^o constat ex his verbis Christi in cruce pendentis et S. Joannem alloquentis « *Ecce Mater tua.* » Unde sic: His verbis instituit Christus S. Joannem filium Mariæ, saltem aliquo sensu. Atqui in hac circumstantia S. Joannes omnium christianorum vices gerebat, adeo ut illud donum haud fuerit discipulo singulare, sed omnibus commune. *Prob. min.* Juxta regulam tum a SS. Patribus tum a doctoribus traditam, verba et facta Scripturæ tam in novo quam in veteri Testamento sæpe sæpius duplicem præbent sensum æqualiter a Spiritu sancto intentum, unum nempe litteralem, quem verba per se demonstrant, et alterum spirituales, quem res litteraliter significatæ vicissim significant; sed præsertim duplex ille